



**REVIK d.o.o. Sarajevo, Member of** International, Sarajevo, Branilaca Sarajeva br. 20, kojeg zastupa Milan Novokmet, direktor (u daljnjem tekstu: Revizor), s jedne strane i

**JU Zavod za zdravstvenu zaštitu žena i materinstva KS**, Sarajevo, Josipa Vrancaša br. 1, koji zastupa Mr.sci.med.dr. Enis Hasanović, direktor, (u daljnjem tekstu: Zavod), kao i na osnovu Odluke broj: 10-3042-01/20 koju je dana 31. decembra 2020. godine donio Direktor Zavoda, s druge strane, **zaključili su:**

## **UGOVOR O REVIZIJI FINANSIJSKIH IZVJEŠTAJA ZA 2020. GODINU**

### **I OBAVEZE REVIZORA**

#### **Član 1.**

Revizor se obavezuje da obavi reviziju finansijskih izvještaja Zavoda za 2020. godinu, u skladu sa zakonskim propisima i Međunarodnim revizijskim standardima.

#### **Član 2.**

Nakon obavljene revizije, Revizor je obavezan da dostavi Zavodu Izvještaj nezavisnog revizora o reviziji finansijskih izvještaja (u daljnjem tekstu: Izvještaj), na bosanskom jeziku, u tri primjerka, kao i jedan primjerak u elektronskoj formi.

### **II OBAVEZE ZAVODA**

#### **Član 3.**

Zavod je obavezan Revizoru dati na raspolaganje sve potrebne izvještaje i isprave te pružiti sve ostale informacije nužne za obavljanje revizije i to:

- dati na raspolaganje sve finansijske izvještaje i ostalu dokumentaciju;
- osigurati odgovarajući prostor za rad revizora za obavljanje neposredne revizije;
- pojasniti sva pitanja koja se pojave tokom postupka revizije.

O rokovima pripreme i dostavljanja gore navedenih podataka i izvještaja Zavod i Revizor će se dogovoriti.

Ukoliko se gore pomenuti potrebni izvještaji i isprave nužne za obavljanje verifikacije ne predaju u dogovorenom roku, rok za predaju Nacrta Izvještaja pomjeraju se za broj dana zakašnjenja.

### **III CIJENA I NAČIN PLAĆANJA USLUGA IZ UGOVORA**

#### **Član 4.**

Za obavljanje usluga iz ovog Ugovora, Zavod će platiti Revizoru naknadu u iznosu od 5.000 KM, plus PDV u iznosu od 850 KM, ili ukupno 5.850 KM.



Naknada je u skladu sa Tarifama revizorskih usluga, objavljenim dana 8. jula 2015. godine u Službenim novinama Federacije BiH.

Gore navedena naknada će se isplatiti 30 dana od dana izdavanja Izvještaja i dostavljanja fakture, na transakcijski račun REVIK d.o.o. Sarajevo, kod Raiffeisen BANK d.d. BiH, Sarajevo broj: **1610000001640087**

#### IV ROK OBAVLJANJA POSLA

##### Član 5.

Revizor je obavezan da obavi posao i da izda Nacrt Izvještaja u roku od sedam dana od dana predaje godišnjeg obračuna, vodeći računa o odredbama člana 3. ovog ugovora.

Zavod dostavlja pismene primjedbe na Nacrt Izvještaja u roku od pet dana od dana primitka istog, odnosno ako ne dostavi primjedbe u spomenutom roku, smatrat će se da nema primjedbi na Nacrt i da se može izdati konačni Izvještaj.

#### V ZAKLJUČNE ODREDBE

##### Član 6.

Ugovorne strane će moguće sporove iz ovog ugovora nastojati riješiti sporazumno, a u protivnom se priznaje nadležnost suda u Sarajevu.

##### Član 7.

Ovaj ugovor je sastavljen u 2 (dva) primjerka, po jedan za svaku ugovornu stranu.

Broj: 10 / 2021

Sarajevo, 7. januar 2020. godine

REVIK d.o.o. Sarajevo

Milan Novokmet



J.U. ZAVOD ZA ZDRAVSTVENU ZAŠTITU ŽENA  
I MATERINSTVA KANTONA SARAJEVO  
SARAJEVO

Broj: 10-35-01/21

Datum, 07. 01. 2021

JU Zavod za zdravstvenu zaštitu  
žena i materinstva KS

Mr. sci. med. dr. Enis Hasanović



2  
3  
4